

TARIX VA JAMIYAT

HISTORY AND SOCIETY
ИСТОРИЯ И ОБЩЕСТВО
общественный электронный
ЖУРНАЛ

JOURNAL
2022

№3

Бош мұхаррир:

Пардаев А.Х. ЖДПИ, тарих факультети декани, т.ф.н. доцент.

Бош мұхаррир ўринбосари:

Ақчаев Ф.Ш. ЖДПИ, тарих факультети, т.ф.б.ф.д. (PhD), доцент.

Масъул котиблар:

Сайдов Ж.О. ЖДПИ, Тарих факультети ўқитувчиси

Хұжанова М. ЖДПИ, Тарих факультети ўқитувчиси

Таҳририят аъзолари:

1. Сагдуллаев А.С. – тарих фанлари доктори, Академик,
2. Ахмедшина Ф.А. – тарих фанлари доктори, профессор,
3. Шодмонова С.Б. – тарих фанлари доктори, профессор,
4. Очилова Б.М. – фалсафа фанлари доктори, профессор,
5. Чориев С. – фалсафа фанлари доктори, профессор,
6. Туленова Г. Ж. – фалсафа фанлари доктори, профессор,
7. Пардаев М.Х. – тарих фанлари доктори, доцент,
8. Фойибов Б.С. – тарих фанлари доктори (DSc), доцент,
9. Ярматов Р. – педагогика фанлари доктори (DSc), доцент,
10. Сайдқосимов А.И. – ф.ф.б. фан доктори (DSc), доцент,
11. Амануллаев А. – ф.ф.б. фан доктори (PhD), доцент,
12. Тошбоев Ф.Э. – тарих фанлари бўйича фан доктори (PhD), доцент,
13. Миркомилов Б. – тарих фанлари номзоди, доцент,
14. Сайдов М. – фалсафа фанлари номзоди, доцент,
15. Гофуров Ж. – тарих фанлари бўйича фан доктори (PhD), доцент,
16. Ҳошимхонов М.Х. – ф.ф.б. фан доктори (DSc), доцент
17. Валиев А.Х. – катта ўқитувчи,
18. Мажидов А.С. – катта ўқитувчи,
19. Каримова Н. – ўқитувчи,

Тарих ва Жамият илмий журнали

ТАРИХНАВИС ГУЛБАДАН БЕГИМ МЕРОСИ

Бахти Очилова

Фалсафа фанлари доктори, профессор
Фалсафа, тарбия ва ҳукуқ таълими кафедраси.
Жиззах давлат педагогика институти (jspi.uz)

Аннотация: Мазкур мақолада ўз даврининг билимли, фозила аёллардан бири бўлган темурий малика Гулбадан бегим шахсининг айрим белгилари ёритилган

Аннотация: В данной статье описаны некоторые черты личности тимуридской царевны Гульбадан, одной из самых знающих и знатных женщин своего времени.

Annotation: This article describes some of the features of the personality of the Timurid princess Gulbadan, one of the most knowledgeable and noble women of her time.

Калит сўзлар: тарихнавис, ноёб истеъдод, ақл-заковат, "Хумоюннома", сиёсий вазият

Ключевые слова: историк, уникальный талант, разведка, «Хумоюннома», политическая ситуация.

Keywords: historian, unique talent, intelligence, "Humoyunnoma", political situation

Жаҳон тарихидаги энг буюк салтанатлардан бўлган бобурийлар салтанатининг зебо ва оқила вакиласи, катта ақл – идрок ва ноёб истеъдод эгаси, тарихнавис Гулбаданбегим ўз фаолияти ва ижоди билан Шарқ мамлакатлар тарихида, сиёсатида ва адабиётида алоҳида аҳамият касб этади.

Ўз даврининг билимли, фозила аёллардан бири бўлган темурий малика Гулбаданбегим уч буюк ҳукмдор – Бобуршоҳ, Ҳумоюншоҳ ва Ақбаршоҳ даврини қамраб олган мураккаб замонда яшаган. У буюк бобурийлар сулоласининг асосчиси Захриддин Муҳаммад Бобурнинг қизи, Ҳумоюннинг синглиси, Ақбаршоҳнинг аммаси эди. Бинобарин, Гулбадан бегим томонидан ёзилган "Ҳумоюннома" асарида ҳам мана шу уч шоҳнинг шахсиятига, ҳукмронлик фаолиятига алоҳида урғу берилган. Бу ҳақда унинг ўзи шундай деб ёзади: "Фирдавс макон отам (Бобуршоҳ) ва Жаннати ошиён (Ҳумоюншоҳ) ҳақида хотиранома ёзиш ҳақида олий ҳазрати подшоҳ (Ақбаршоҳ) томонидан фармон берилди. Олий ҳазратнинг фармонига итоат этган ҳолда хотирамда

Тарих ва Жамият илмий журнали

қолган, кўрган – кечиргандарим ва эшитганларимни бирма – бир қоғозга туширдим”¹.

Ўрта асрларда сарой маликалари орасида саводхон аёллар, эҳтимол, кўп бўлмагандир, лекин Гулбаданбегим ўз даврининг энг мукаммал билимли фозила аёлларидан эди. Маълумотларга кўра, Акбаршоҳнинг кутубхонасида йигирма тўрт минг нусхадан зиёд китоб бўлиб, Гулбаданбегим бу кутубхонадан унумли фойдаланган. Маликанинг туркий ва форсий тилларни мукаммал билгани бундан далолат беради. Гулбаданбегим “Хумоюннома” асарини форс тилида ёзган.

“Хумоюннома” асари XV асрнинг охири XVI асрнинг ўрталарида Мовароуннаҳр, Афғонистон ва Ҳиндистон ҳудудларида содир бўлган тарихий воқеалар, дипломатик ва савдо алоқалари, оиласвий муносабатлар, тўй ва аза маросимлари билан боғлиқ анъаналар, шаҳзодалар ўртасидаги тожу тахт учун курашлар, зиддиятлар ҳамда маданият, адабиёт, тилшунослик, география, этнография соҳаларидағи маълумотларни қамраб олган. Асадаги тарих, этнография фанларига оид маълумотлар билан бир қаторда, тилшунослар диққатини ўзига жалб қиласидиган маълумотлар ҳам тарихий қиймати билан катта аҳамиятга эгадир. Шунингдек, “Хумоюннома” Мовароуннаҳр, Эрон, Кобул улуси - Афғонистон ва Ҳиндистон диёрларида ёзилган тарихий манбалар орасида Бобур билан боғлиқ воқеаларни тасвирлашда алоҳида ўрин эгаллайди. Асада айниқса Хумоюн боғлиқ хотиралар чуқур баён қилинган. Бу китоб 1996 йили ЮНЕСКОнинг маҳсус қарорига биноан француз олими Бакке Громуон томонидан француз тилига таржима қилинган ва ундан аввал 1987 йили инглиз олимаси Анет Беверидж хоним томонидан инглиз тилига таржима қилиниб, мукаммал изоҳлари билан ва форсча матни билан бирга чоп этилган. “Хумоюннома” 1998 йили тарих фанлари доктори Ўзбекистон ФА мухбир аъзоси С. Азимҷонова томонидан ўзбек тилига таржима қилинган.

Шарқ адабиёти бўйича мутахассис, таниқли олима Аннята Сюзан Бевериж “Хумоюннома” ни таржимасининг сўз бошида “Бу китоб тенги йўқ ноёб асадар, унда малика ўзи мансуб бўлган аёллар дунёсини муфассал тасвирлаб берган. Тилининг соддалигига қарамасдан, бу асар киборлик ва малоҳат билан, ҳатто қаҳри қаттиқ шоҳларнинг фаолиятини ҳам саҳна ортида туриб зийраклик билан кузатиб борган улуғвор маликанинг мулоҳазалари баён қилинган бебаҳо манбадир. Муаллиф мулоҳазаларининг самимийлиги сарой тарихчиларининг кўпларини лол қолдириши ва уялтириб қўйиши ҳам мумкин” лигини қайд этган.

¹ Румер Годен. Гулбадан. Т., “Шарқ” нашриёт – Матбаа акциядорлик компанияси бош таҳририяти.- 2007. – 8-бет.

Тарих ва Жамият илмий журнали

“Ҳазрати подшоҳ (Бобур) Қобулни Носир Мирзога топшириб, ўзлари аҳли аёл ва фарзандлари – Ҳумоюн подшоҳ, Мехржонбегим, Маъсума Султонбегим ва Мирзо Камрон билан бирга Самарқандга йўл олдилар. Бомдод пайтида Шоҳ Исмоил ёрдамида Самарқандни фатҳ қилдилар. Ва Мовароуннахр саккиз ой тўлиқ унинг (Бобур) қўл остида бўлди. Ака – укалар ўртасидаги муросасизлик ва мўғил аҳлиниңг мухолифлиги натижасида Кўли Малиқда Убайдуллахондан мағлуб бўлдилар ва у вилоятда бошқа қололмадилар. Шундан сўнг Бадашхонга, кейин Қобулга жўнадилар. Ундан сўнг ҳаёлдан Мовароуннахр орзусини чиқардилар. Сана тўқиз юз ўнда Қобул ҳокимлиги уларнинг қўлига ўтди”².

Инглиз адабаси Румер Годен “Гулбадан” асарида Гулбаданбекимнинг ҳаёти, ижоди, фаолияти ҳакида тўлиқ маълумот бериб, унинг ноёб истеъодод ва ақл – заковат соҳибаси бўлганлигини ёзган. У “Ҳумоюннома” ҳакида тўхталиб тарихий шахсларнинг хусусиятлари, Бобурнинг Мовароуннахр ва Ҳиндистондаги ҳукмдорлик даври, олиб борган сиёсати, амалга оширган ислоҳотлари, Ҳумоюннинг Ҳиндистондаги ўн икки йиллик ҳукумдорлик даври, Ақбаршоҳнинг турмуш тарзи, давлат бошқаруви, диний ислоҳотлари, жанг олиб бориш усуслари, шикор тафсилотлари, танаввул қиласиган таомлари, дам олиши, ишлаши, ҳинд рожалари билан муносабати кабилар мантиқан ва оброзли тарзда баён қилинганини, асарнинг ифода услубида табиат манзаралари, гул – чечаклар, мева – чева ва паррандалар дунёсини тасвирлашда қўлланилган содда аниқ ва ихчам иборалар кўзга яққол ташланишини таъкидлайди. “Гулбаданнинг нурли қалами билан тасвирланган хотиранома узоқ ўтмишда бўлиб ўтган воқеаларни шунчалик аниқ ва ҳаққоний тарзда баён қиласиги, ўқувчи гўёки телескопга тикилиб, кўҳна тарих саҳналарини яққол тасаввур этади. Муаллиф шаҳар қалъаси девори устидан туриб навбатдаги рақибиға қарши жангта шайланётган ёки эришган ғалабасини нишонлаётган сарбозларни кузатиб турган аёлларнинг ички дунёсини маҳорат билан тасвирлаб беради”³.

Кейинги давр тарихчиларнинг фикрига қараганда, Гулбаданбеким ўз асарида тарихий воқеаларни ва уруш ҳаракатларини аниқ баён қилган. Масалан, Бобурнинг Канва деган жойда маҳаллий ражбудларга қарши олиб борган жанги тавсилотларини бошқа тарихий манбаларга нисбатан анча муфассал ёритиб бера олган. “Подшоҳ ҳазратлари қўшинни бир жойга тўплашга фармон берди. Амирлар, беклар, султонлар, хонлар, сарой аёллари ва оддий фуқаро, катта – кичик – ҳамма бир жойга тўпланди. Кейин подшоҳ

² Гулбаданбеким. Ҳумоюннома. Т.-1987. – Б-27.

³ Румер Годен. Гулбадан. Т., “Шарқ” нашриёт – Матбаа акциядорлик компанияси бош таҳририяти.- 2007. – 12-бет.

Тарих ва Жамият илмий журнали

уларга қарата мурожаат қилди: Беклар ва йигитлар! Ҳар ким ҳаёт мажлисига кирибдур. Ёмон от билан тирилгандин, яхши от билан ўлган яхшироқ. Барча Тенгрининг каломи оти ила онт ичмак керакким, ҳеч ким то бадандин жони айрилмағунча, бу муҳораба ва муқотоладин айрилмағай”.

Бобурийлар салтантининг катта нуфуз ва таъсир кучига эга бўлган Гулбаданбегим ўзининг зукколиги, саъй – ҳаракатлари билан Темурий шаҳзодалар, подшоҳ ота ва ўғил ўртасидаги низоларни ҳам бартараф этиб, сиёсий вазиятларни юмшатган ва тарих ғилдираги йўналишини тўғирлаб келган. Акаси Ҳумоюн ва жияни Ақбаршоҳ даврида саройдаги ўзаро муносабатларда унинг фикри, маслаҳати ҳал қилувчи аҳамиятга эга бўлган.

Ақбаршоҳ ўғли Салимни ножӯя ҳаракатлари учун Оллоҳободга сургин қилган ва аламзода шаҳзода отасига қарши исён қўтариш ниятида бўлган бир пайтда Гулбадан бегим Салимни отаси даргоҳига келиб, узр сўрашга кўндиради. “Подшоҳ ота бунга бефарқ қараб туролмади, жойидан туриб ўғлининг қўлидан тутди ва ўз бошидан салласини олиб, шаҳзода Салимнинг бошига кийдириб қўйди. Бу марҳамат отаси уни нафақат кечиргани, балки уни тахт вориси сифатида тан олганини ҳам ифода этар эди. Акс ҳол рўй берганда, воқеалар бутунлар бошқача кечган бўларди”.

Гулбаданбегим ўрта аср Шарқида ягона тарихчи аёлдир. У яратган асар бир қатор жиҳатларга кўра бошқа тарихий асарлардан ажralиб туради. У кўп воқеаларни ўзининг кузатишлари асосида ёзган.

Темурий малика Гулбаданбегим ҳаётини, фаолиятини ва ижодини ўрганиш ва ижтимоий-фалсафий таҳлил этиш муҳим аҳамиятга эга.